



Arubaanse Courant

Aña 26

DIASABRA 20 JUNI 1964

No. 5063.

ACCIONISTANAN TA DICIDI:

JONES TA BAI EXPLOTA CASINO HOTEL CORSOW

WILLEMSTAD, 20 juni. - Despues di un reunion di accionistanan di Hotel Curacao Intercontinental a worde dicidi pa accepta e oferta pa explotacion di e casino di Hotel Curacao Int. di sr. Jones cu tambe ta asocia cu e explotacion di e casino di Aruba Caribbean Hotel. Cu esaki a jega un fin na e conflicto entre e directiva di e empresa. Per di dia promer di juli e casino di Corsow lo ta bajo direccion di sr. Jones.

durante e reunion di accionistanan e grupo di e Board of Directors cu tabata contra aceptacion di e oferta di Jones a una nan punto di bista tocante asunto aki.

Cu palabranan bon cla, a bini a cla, qu señor Norman Chumaceiro varios biaha a usa amenaza a logra su punto di vista, cual yera nochí pa vía qu mayoría di e accionnan ta den man di territorio insular y PAA, a logra imponer su voluntad.

Señor Debrot a cuminsa su discurso mostrando riba e hecho qu mayoría di e Board of Directors no tabatin ni tin ningun interes pa Bud Sweet, e operador actual, keda cu e casino, sino qu loque tabata interesá nan, tabata pa hotel haña mas entrada posibel cu mihor artistanan pa actua aki.

Señor Debrot a muestra qu aunque señor Chumaceiro a declara, a persisti qu e oferta di Kozloff Jones tabata esun di mas minor, oficinanan di accountant di prestigio internacional, manera Horwarth and Horwarth y oficina di H.J. Vooren, a yega na diferente resultado despues di a studia e dos ofertanan.

Señor Debrot tambe a muestra qu pakiko tin asina un diferencia grandi entre e entradanan di e casino na Corsow compará cu esun di Aruba.

Asina el a mencioná qu Aruba Caribbean Hotel ta un hotel di resort, qu a ser trahá cu un costo casi dobel na Hotel Curacao y pa tal motibu por ofrece, mucho mas ventaha al momento.

Tambe el a muestra riba e hecho qu e facilidadnan di escenario na Aruba ta fantastico mientras qu aki e no ta nada di gaba, loque

den pasado a pone qu artistanan qu a fracasá na Corsow, hopi biaha na Aruba tabata un exito, debido unicamente na e diferente ambiente.

Ademas señor Debrot ta bisa, e control na entrada di habitantenan local na Aruba ta mucho menos qu aki na Corsow. Tambe na Aruba mayoría di e huespednan di hotel ta turistanan qu ta bini pa keda largo tiempo debido na e excelente beach qu ta un fantastico atraccion pa turista y comoquiera qu e turistanan aki no tin mucho cos di hasi ta pasa mas di nan tempu den casino hungando placa, mientras qu e hotel di Corsow ta mas bien un hotel di comercio cu turistanan qu ta keda unu of dos dia.

Den e aspecto aki, e orador a muestra tambe qu comoquiera qu e ganancia di e casino na Aruba ta gana mucho mas placa, nan por permiti nan mes e luho di busca artistanan di nombre y gasta mas placa na promocion y publicidad.

Tumando tur esaki en consideracion no ta asina "flabbergasting" qu e casino di hotel Aruba ta hasi mehor negoshi qu esun di Corsow.

Señor Debrot tambe a haña qu e mester a aclara e punto caminda señor Chumaceiro a pretende qu e presente operador tabatin coneccionnan obscuro cu elementonan di Miami.

Y asina e tabata por a muestra cartanan di State Attorney di Miami, Prosecuting Attorney di Hollywood, Florida y hefe di Polis di e mesun lugarnan aki qu ta pone e declaracionnan di señor Chumaceiro den un lus obscuro.

Nos ta puntra nos mes: por ta qu tin algu mas aki tras? Ayera nochí un mayoría grandi di e accionistanan a duna nan apoyo na e grupo dirigi pa Norman Chumaceiro, loque tabata di spera, ya cu un cantidad grandi di e accionnan ta den man di gobierno insular y

otro gran parti ta den man di Pan American Airways y un otro cantidad den man di Maduro & Sons.

FATUM

Pa tur bo aseguronan
Tel. 1845.

BISANOS

E motibo pakiko mi ta haya "Arubaanse Courant" un diario asina bon, pasobra e ta completamente BERDAD.

Modesto Maduro,
Macuarima 35,
Sta. Cruz.

HUMA UN CIGARIA
VERDADERO
HUMA UN
CAMEL



FAVORITO DI ARUBA



**M.H. BOEKHOUDT
A GRADUA**

ORANJESTAD, 20 juni. - For di Hulanda e noticia a worde ricibi cu senyor Marius Hubertus Boekhoudt di 24 anja di edad a gradua pa Maatschappelijk - Werker. Senyor Boekhoudt tin ocho anja na Hulanda y tabata un ex alumno di St. Dominicus College na Aruba. Su estudio el a sigui na R.K. Academy voor mannen na Eindhoven. Marius ta yiu homber di senyor G.A. Boekhoudt den Koningstraat 14.

Desarrollo obrerismo ta causando preocupacion

ORANJESTAD, 20 juni. - Ultimamente e partidogobierno P.P.A. pa medio di su pamfleta "Voz di Pueblo" a publica algun articulonnan den cual ta sali na cla cu na e momento aki ta reinando preocupacion pa e desarrollo actual ariba tereno obrerismo na nos isla. Diferente punto critico ta worde trata masha debil. Por ehemplo tin un articulo titula "obrero... su libertad, derecho y responsabilidad" den esaki e diferente puntadnan ta worde trata. Tambe tin un articulo tocante e pobreza cu ta reina na Aruba y den cual indirectamente "Voz di Pueblo" ta pidi yudanza di clubnan y organisacionnan pa yuda resolve esaki. Pero e articulo cu a causa mas sorpresa den circulonnan sindical na Aruba ta esun titula: "Lago ciudadano importante di Aruba". Buscando comentario for di parti di Independent Oil Workers Union of Aruba, señor Frans Lodewijk Maduro, a laga nos sabi cu maske e tin hopi di comenta tocante e articulo aki na e momento e no por bisanada, teniendo na bista e deliberacionnan cu ta tumando lugar entre IOWUA y Lago.

Den e articulo tocante di Lago, e pamfleta di P.P.A. ta cuminsa cu un splicacion di e situacion di Aruba promer cu Lago a bini. Y tambe nan ta papia di diferente compania cu a fracasá e tempo ey manera entre otro

esun di oro, fosfaat etc., den e mes un pida aki ta worde bisa cu "pobreza no ta un berguenza y bo no ta sinti feita di loke nunca bo a posee... pero y aki ta sigui un splicacion di e binida di Lago na Aruba, e motibonan, su crecimiento y e situacionnan economico cu a resulta pa Aruba. Pero despues di guerra situacion ta cambia ora cu competencia ariba mercado mundial a bira fuerte y a bira obligá pa aplica automatizacion y modernizacion pa sigui competi. E situacion cu door di esaki a worde crea segun e pamfleta Lago sabi di esaki masha bon. "Ningun hende no por yuda, pero ta un hecho. Lago ta hopi responsable pa e situacion aki, hustamente sin cu e por yuda". Esaki segun e pamfleta di P.P.A. Nan ta sigui muestra den e articulo cu kizas den su compania Lago no por haci mucho mas pero alcontrario pafor si. En relacion cu esaki ehemplonan ta worde treci aserca, manera na Venezuela caminda Creole Petroleum Corp., a lanta un compania anonima pa yuda "push" up industrianan venezolano.

For di banda di Independent Oil Workers of Aruba nos no a holla comentario. Pero si nos a ripara cu den circulonnan akinan no ta mucha contento cu loke a worde publica den e articulonnan aki. Segun Frans Lodewijk (Wijkie)

(Sigui iesa pag. 4)

"ARUBA NOSTRA" SU DESEO TA

DUNA ARUBA UN MUSEO

Stichting Aruba Nostra.

A.S.U.: Informacion di A.V.B. na reunion no ta correcto

ORANJESTAD, 20 juni. - Durante un reunion cu prensa y radio teni diahuebs anochi, directiva di Aruba Sport Unie a duna informacionnan en relacion cu expresion di parti di directiva di Aruba Voetbal Bond durante su ultimo reunion general. E expresionnan di parti di A.V.B. a considera necesario pa informa prensa y radio di su banda di e storia. Especialmente directiva di A.S.U. a worde hiba den tereno di politica, den Eilandsraad. Directiva di A.S.U. ta lamenta esaki.

Henter e directiva di A.S.U. cu su advisor Huridico Sr. N.E. Henriquez, tabata presente ora cu president Tico Kuiperi a duna un bonbini na e representantenan di prensa y radio.

Segun publicacion, A.V.B. su presidente Fichi Croes a declara durante e ultimo reunion general cu como consecuencia di e contract nobo entre A.V.B. y A.S.U. en relacion cu uso di Wilhelminastadion, A.V.B. a sufrir un perdida di casi dos mil florin, mientras cu A.S.U. lo a hanja F. 10.000,- di e weganan di futbol. Di acuerdo cu loke a worde priminti na momento di firma e contract nobo, A.S.U. lo a recompensa A.V.B. un perdida cu e contract nobo lo causa. A.V.B. a scribi A.S.U. di e perdida pidiendo recompensa di esaki, pero A.S.U. ta drei rond di e asunto sin ainda e paga e recompensa priminti.

E president di A.S.U. ta cuminsa cu lesa e carta di dia 28 di oktober 1963 den cual A.V.B. ta participa A.S.U. di e perdida sufrir cu e campeonato 1932-1933 y cu e torneo pa Copa Juliana y ta pidi recompensa di e perdida aki cu tabata mas o menos F. 1.583,-. Dia 16 di januari 1964 A.V.B. a manda pidil un decision ariba e carta aki ya cu nan tin diferente obligacionnan financiero di cumpli cune.

Boekinan y documentonan financiero tabata necesario pa e Oficina di Accountant Moret en Oudheusden por controla si verdaderamente A.V.B. a sufrir un perdida manera nan ta alega. E boekinan aki no a yega den poder di e Oficina di Accountant tan pronto nan a worde pidi.

Despues cu Moret en Oudheusden a haja e documentonan necesario y a haci un estudio di nan, esaki a traha un rapport cu fecha di 24 di april 1964. Original di e rapport aki a bai pa A.S.U.

naturalmente, pero un copia a bai pa directiva di Aruba Voetbal Bond. Refiriendo na e rapport aki directiva a dirigi un carta na A.V.B. pidiendo comentario ariba e raport di Moret en Oudheusden. Esaki a sosode cu un carta fecha dia 7 di mei 1964 y e carta aki a worde entrega personalmente door di e secretario di A.S.U. Francisco Chirino na e secretario di A.V.B. y J.M. Lacle.

"Nos a pidi comentario na directiva di A.V.B. ya cu e raport ta muestra cu A.V.B. no tabata tin un perdida a consecuencia di e contract nobo. Al contrario segun e raport te hasta tabata tin un ganashi chikito. Ta pa e motibo aki nos a pidi A.V.B. pa duna un comentario na nos pa asina directiva di A.S.U. por tuna un decision definitivo tocante e recompensa di e perdida Ningun momento pues directiva di A.S.U. a bisa cu e recompensa no ta worde duna y cu te ainda e decision no a cai ta debi na e hecho cu ainda A.V.B. no por a duna comentario ariba e raport di Moret en Oudheusden," segun e president di A.S.U.

CIFRANAN CU TA PAPIA
For di e raport di Moret en Oudheusden e president di A.S.U. luego a lesa e cifranan en relacion cu e asunto aki. Di e entradanan di futbol un suma di f. 5.971,70 (di e competitie 1932-1963) y f. 639,90 (di Copa Juliana) a bai pa A.S.U. (Directiva di A.V.B. a menciona un suma di f. 10.000,-!!!!). Pa reserve F. 895,75 y F. 95,98. Pa N.A.V.U. a bal di e competitie F. 179,15; pa e cuidador di tereno di e competitie f. 1.453,90 y di

e torneo Copa Juliana f. 90,-; pa avisonan den corant y radio F. 2.198,80 di e competitie; pa copanan di competitie F. 644,- y di Copa Juliana F. 87,-; pa copanan adsprantencopetitie - F. 35,-; parti di e clubnan di competitie F. 2.532,42, di e Copa Juliana F. 271,77; parti di e Asociacion di Referis di e competitie F. 2.533,46 y di Copa Juliana F. 319,50; pago na A.S.U. di un debe F. 225,- di e torneo pa Copa Juliana.

Total di e competitie tabata F. 16.444,18 y di Copa Juliana F. 1.729,15. Entradanan tabata respectivamente F. 14.929,25 y F. 1.599,75. Pues respectivamente lo tabata tin un perdida di F. 1.514,93 y di F. 129,40, segun e datonan entrega door di A.V.B.

Pero apesar cu e oficina di accountant no ta conoci cu otro entradanan cu A.V.B. por tabata tin, nan a descubri lo siguiente: E gastonan di cuidador di tereno menciona como F. 1.353,90 no ta completamente despues di e contract nobo; un suma di f. 652,50 ta tocante un periodo promer cu e contract nobo a drenta den vigor, esta di januari pa augustus 1962. Di e suma pa avisonan den corant y radio (f. 2.193,90) un parti grandi F. 643,- ta di un periodo di april pa augustus 1962.

E suma di F. 895,75 y F. 95,98 menciona pa fondo di reserva no por worde menciona como perdida ni tampoco pagamento di un debe na A.S.U. F. 225,-. Teniendo tur esaki na cuenta mester worde deduci anto cu e contract nobo no a trece un perdida pa A.V.B. Al contrario e bond di futbol Arubano tabata tin un ganashi chikito. E raport di Moret en Oudheusden ta continua cu ta bien posibel cu e iposicion financiero di A.V.B. ta critico. Tocante di esaki ya anteriormente a yega di worde traha un raport.

Te aki e raport di Moret en Oudheusden, di cual e formuladornan mes a manda un copia pa directiva di A.V.B.

KIKO A WORDE MUSTRA?
For di e cifranan pues A.S.U. a muestra cu no ta F. 10.000,- tabata su parti di e campeonato 1932-1963 y e torneo pa Copa Juliana, pero mas o menos F. 6.600,-. Den su ultimo reunion general directiva di A.V.B. a declara cu tabata F. 10.000,- a bal pa A.S.U.

Tambe a worde declara cu A.S.U. ta drei rond di e asunto di e



e sigaria MAS gusta

recompensa priminti pa e perdida, pero for di e correspondencia muestra ta worde warda ariba comentario di parti di A.V.B. ariba e raport di Moret en Oudheusden. Esun cu pues ta dilatando un decision ta e propio directiva di A.V.B. Tambe a worde declara cu tabata tin un perdida, pero e raport di expertonan den tenemento di boeki ta muestra cu esaki no tabata tin un perdida den e periodo pa cual a worde pidi recompensa, ya cu varios di e gastonan tabata haci promer cu e contract nobo a drenta den vigor y pues consecuentemente no por worde considera como si fuera a consecuencia di e contract nobo.

Aki nos ta publica un traduccion di e raport di Moret en Oudheusden "Cumpliendo cu Bo peticion nos a haci un investigacion critico di e cifranan di e competitie 1962/1963 y di e torneo pa Copa Juliana na 1963 segun e documentonan entrega door di A.V.B., sin cu nos por a yega na un control completo. E afrekeningen entrega - despues di algun cambio haci door di e tesorero di A.V.B. ta muestra lo siguiente:

	Competitie sept, 1962/maart '63	Copa Juliana
Parti di A.S.U. 40%	f. 5.971,70	f. 639,90
Reservefonds 10% di 60%	895,75	95,30
N.A.V.U. 2% di 60%	179,15	--
Cuidado di tereno	1.453,90	90,--
Arub. Courant	2.098,80	--
Radio Kelkboom	100,--	--
Bekers	644,--	87,--
Bekers adsp. competitie	35,--	---
Parti clubnan	2.532,42	319,50
Parti Asociacion di Referis	---	225,--
Pago debe na A.S.U.	f.16.44,18	f.1.729,15
	f.14.929,25	1.599,75
Entrada di weganan	f. 1.514,93	f. 129,40

Pa buena marcha nos ta informa Bo cu A.V.B. a entrega nos unicamente e documentonan cu ta concerni e afrekeningnan menciona aki riba. Pnes nos no ta na altura di e otro entradanan y gastonan durante 1962 y 1963 ni tampoco di e posicion financiero pa dia ultimo di 1963. Huzgando e documentonan entrega nos a yega na e siguiente conclusionnan:

E Cas Di Bo Sonjo na prijsnan practico



cu materialnan di construccion di calidad y na prijs atractiva, esey ta solamente na **PETRONA & CROES (ARUBA) N.V.**

TA BENDE

Thee-wagen, cama pa baby cu matras, banjo pa baby; Baby Comode, Stofzuiger, machien di cose di man portatil "Singer". Combinacion Radio & - Pickup, Kashi pa warda coy hunga. Wandmeubel (Tambe pa warda boeki), washmachien automatico "Frigidaire", 1 paar di Water-ski.

Acudi na: K. EGGERS, Bung. 359, tel. 2020, Seroe Col.

JUNI 21 BO REGALO PA TATA + NOS REGALO PA BO =



BO COMPRA NA ARUBA TRADING COMPANY (VALIDO DI 18-20 JUNI)

PA CADA COMPRA...

... UN SORPRESA

ARUBA TRADING COMPANY (men's department) PHOTO EL GLOBO



Your Horizons are Endless with Pan Am



Direct Monday flights make immediate connections in Puerto Rico for nonstop Pan Am Jet Clippers® to NEW YORK, or arrive there after one-stop Jet flights departing Sunday mornings at 8:45, Thursdays at 12:15 P.M. And from NEW YORK, connecting carriers take you anywhere in the U.S.A. or CANADA. Or fly Pan American from San Juan to BOSTON, PHILADELPHIA, WASHINGTON/BALTIMORE or MIAMI.

Monday departures take you to CALIFORNIA, the ORIENT, MEXICO and all

CENTRAL AMERICA via PANAMA.

Or fly anywhere in **SOUTH AMERICA**. Connect in PANAMA with El Interamericano flights to ECUADOR, PERU, CHILE and ARGENTINA. Other Pan Am flights via Curaçao book you on to CARACAS, TRINIDAD, BRITISH GUIANA, SURINAM and BRAZIL. Call Pan Am or your Pan Am Travel Agent today!

This summer fly one of the 222 transatlantic Pan Am Jets each week linking the U.S.A. with 26 European cities. Or immediate connections with Jets in San Juan take you nonstop to **EUROPE** every Monday.

Wherever in the world you travel, you're better off with Pan Am—world's most experienced airline

S.E.L. Maduro & Sons, Inc., General Agents • Aruba: Nassastraat—Tel. 1735 - 1736

AUA-744-HZN

REIMS Y SANTOS TA EMPATA

Paris, -- UPI -- Reims di Fran-
cla y Santos di Brasil ayera

nochi a empata cu anotacion di
un gol den un partido pa defini

e tercer puesto di e torneo inter-
nacional di futbol cu ta worde
efectua den Parc des Princes
di e capital aki.
Tanto Reims cu a caba di baha
pa segunda division, como Santos
a worde derrota den nan prome
presentacion di e certamen dia-

mars ultimo.
Reims a perde contra Anderlecht
di Belgica cu score di tres pa
uno, mientras Santos a worde
derrota pa Borussia di Dort-
mund cu e mesun score.
E partido di ayera nochi a resulta
poco atractivo y e rendimentu

nan manera Zito, Pepe, Mengal-
vio y Kopa.
Almir a habri e score na di
40 minuut di e promer tempu
cu un remate corticu y Goujon
a iguala e score pa Reims na
di 3 minuut di e segundo tempu.

NOTICIANAN DI POLIS

ORANJESTAD, 19 Juni. - Na warda di polis na Oranjestad a presenta diarazon marduga e caballero F.B. kende a participa cu un rato promer el a bolter cu su auto A-6660 banda di e viaduct na Eagle. E auto a keda total loss, mientras cu un palo di coco a worde destrui. Segun declaracion di chauffeur el a bolter como su auto a slip ariba e caminda muha.

Banda di nuebe or diarazon mainta a tuma lugar un choke na Middenweg y Kruisweg entre e autonan A 6992 y A-1302 maneha respectivamente pa O.J. y A.M. E danjo material ta tres cien y cincuenta florin.

HINKAMENTO

Na Oranjestad, P.H. di trinta y dos anja naci na Corsow a hinca su ex concubina cu un cuchu di cushina den su garganta y su lomba. Atortunadamente el a herida e muher levemente. Despues di tratamento di dokter e dama por a bai cas. E caballero a worde poni tras di tralis.

Apertura Elga

Ayera atardi a keda inaugura oficialmente ELGA N.V. na Aruba. E empresa aki cual anjanan largo ya ta un compania grandi na Corsow, ayera a habri su portanan den Nassaustraat pa duna e pueblo di Aruba tambe servicio ariba tereno di especialmente aparatnan electrico pa cas.

E foto ariba ta muestra nos e edificio nobo den cual ELGA a establece su mes, mientras e foto abao ta duna nos un idea di e edificacion cu tabatin promer cu e lugar nobo caminda Elga N.V. y Shoe Bazaar tabata a worde construi despues di a tira e edificacion bieuw abao. Esaki un otro bista den Nassaustraat di "anjes y awor".

VENENO PA MOTIBO DI AMOR

E caballero di binti anja a hanja un pleito cu su esposa no por a soporta e pelea aki ariba tereno di amor y a dicidi di bebe veneno. E mester a worde trata pa dokter y despues por a bai cas. El a hanja un scual severo di polis.

HORTAMENTO

Na San Nicolas nan a drenta un restaurant y a bai cu placa. E suma cual a worde horta ta dos cien y cincuenta florin. Recherche ta investigando e caso.

ARESTACION

Segun nos a worde informa for di banda di polis a tuma lugar ultimamente detencion y carcelacion di un tal F.T. E caballero aki ta worde sospecha di a comete un robo di herment luna pasa. Recherche ta continuando cu e investigacion.

Resultado examen di Mulo-A

ORANJESTAD, 20 juni. - Ayera tabata otro dia di examen pa e kandidatonan pa e diploma di MULO-A. Di e binti kandidatonan cu ayera a haci nan examen den Club Boneriano na San Nicolaas, dos no a pasa. E diez ochonan cu tabata mas feliz tabata: Evelyn D. Blom, Ingrid C. Polask, Edwin P. Arends, Leandro H. Briezen, Concepcion Thijssen, Silvia C. Martineau, Carlos F. Batist, Gregorio O. Wernet, Edmund O. Dane, Carlos J. Goeloe, Phillip E. de Palm, Eliana L. Vlaun, Miguel A. Berlis, Herbert I. Diaz, Ruben E. Frank, Leslie M.H. Malcolonie, Robert D. Oduber, Richard A. Sweetnam, Eliana I. Vlaun y Evelyn D. Blom a resulta e mihor kandidatonan di ayera.

Campeonato Bridge Antillano 18 juli

ORANJESTAD, 20 juni. - Otro luna, dia 18 di juli ta cuminsa na Aruba e encuentronan pa e titulo di campeon di bridge na Aruba. E encuentronan aki ta tuma lugar entre Aruba y Corsow.

E promer dos encuentronan ta tuma lugar na Aruba dia 18 y 19 di juli, ariba respectivamente diasabra y diadomingo. Mientras cu e ultimo dos encuentronan ta tuma lugar ariba dia 25 y 26 di juli, tambe ariba respectivamente diasabra y diadomingo. Segun nos a worde informa, pa di promer biha e anja aki lo tin encuentronan pa campeonato den e grupo B. Di Aruba lo participa probablemente cinco pareha y pa Corsow kizas e mes un cantidad. Mas despues lo worde anuncia cual parehanan lo bai defende e color di Aruba ariba tereno di bridge.

Candela den Adriaan Lacle Boulevard

ORANJESTAD, 20 juni. - Diahuebs ultimo pa banda di diez pa ocho a worde avisa cu tabatin un candela den Adriaan Lacle Boulevard. Aki a resulta cu algun palo tabata kima. Brandspuit a sali y a paga e candela inmediatamente.

BEKENDMAKING

Het kantoor voor Sociale en Economische Zaken zal met ingang van zaterdag 20 juni 1964 verhuizen naar het perceel Nassaustraat 92 (boven).

De telefoonnummers blijven ongewijzigd.

Het Hoofd van de Afdeling Aruba
Dept. Sociale en Economische Zaken.

GRADICIMENTO

Pa medio di esaki nos kier gradici tur persona en general cu di un of otro manera a muestra nan interes durante enfermedad y na ora di morto di nos estimada yiu y ruman

MARILLA A.L. GEERMAN
(Q.E.P.D.)

Na number di su mayornan Hyacintho y Anna Catharina Geerman, rumannan: Dulfo; Osro y Ramy.

Desarrollo obrerismo....

(Cont. pag. 1)

presidente di I.O.W.U.A. a bisa nos cu na e momento e no por comenta nada, pero asina cu e tempo di "cooling off" a pasa lo e bolbe ariba esaki. Nan tin nan contesta pero, respetando e combenio cu e mediador R. Laan y Lago pa no haci ningun publicacion durante di e periodo di "cooling-off" pa no trece mas dificultad, nan lo no duna comentario awor. Pero esaki lo bini.

CUMPLEANJOS

Diadomingo dia 21 di Juni ta cumpli 1 anja di su mama Chita, tata Bebé, rumannan Anchi, Tico Esie, welo y welanan, omo y tantanan, especial di su omo Jacobo Franken, pepe Maria Lujo, amiguitona Edwim Lampe, Franklin Franken, Betico Croes, Harold v/d Biezen, Feli Croes, Frank Erasmus, tambe di Mena Croes, Lientji Croes, y Donie Boekhoudt.



Ora cu ta toca na duna servicio di auto, anto ta vale la pena pa pasa serca nos. For di reparacionnan di mas chikito te na overhaul completo di motor, nos ta haci e trabao correcto...scapa bo tempo, dificultad y placa.

TUR NOS TRABAO TA GARANTISA.

Ford Service

J. Flannegin
Nassaustraat 168
Tel. 1987



INIGUALABLE.....
„RED (sweet)
BIANCO (white sweet)
AND DRY,,

HYPOTHEKEN EN KADASTER

Telefoonnummers ingaande

22 juni 1964

Hypotheekkantoor:

Wvd. Hypotheekbewaarder:

1746

Inlichtingen en inzagen:

1747

Kadasterkantoor:

2605 (2 lijnen)



Celebracion jubileo na Telefoondienst

Oranjestad, 20 Juni. - Den presencia di diputado Mathew, secretario di teritorio insular señor A.J. Booi Jr. y señor H.A. De Waal di telefoondienst a tuma lugar ayera atardi na e servicio menciona e celebracion di e 25 aniversario di servicio di señor Gilberto Rasmijn y señor Gregorio Loeffstok. E dos caballeros aki ultimamente a cumpli un cuatrosiglo den servicio di telefoondienst.

Na e celebracion tabata presente maner anuncia señor H. De Waal kende a dirigi palabranan di felicitacion y aprecio na e jubilarionan. Alavez señor De

KNOCK-OUT DI JONG ARUBA

Mayan atardi den Sport Centrum Noord ta cuminsa un torneo eliminatorio organizá door di Directiva di Jong Aruba. E prome wega lo ta entre S.C.A. y Bubali pa ganador "A". Dia 28 ta hunga Sportboys contra Jong Aruba pa ganador "B". y dia 5 di juli e dos ganadornan lo enfrenta otro den e finale.

Destajo publico pa capilla Emmanuel

San Nicolas, 19 Juni. - Awe mainta pa 11 or ta tuma lugar na restaurant Trocadero e destajo publico pa e capilla Emmanuel cual lo worde construi na Weg Kustbatterij na San Nicolas. E capilla aki ta e trabao di pastoor B. van Baars, kende a pone tur su energia y deseo pa e capilla aki worde construi na un lugar central na San Nicolas.

Waaia entrega e conocido envelope cu contenido. Tambe a dirigi palabra diputado D. Mathew cu a muestra ariba e bunita cartera di servicio di e dos jubilarionan y a elogia nan panan fielservicio.

A.S.U.: Informacion

(Cont. di pag. 2)

b. Di e suma di F. 2.098,80 paga na Arubaanse Courant F. 673,90 ta concerni e periodo di april pa augustus 1962, F. 18,10 ta concerni N.A.V.U. y F. 41,20 ta di wega di seleccion di 13 di oktober 1962.

c. Loke a worde poni pa reservefonds no ta, den nos opinion un cargo di explotacion y consecuentemente no por worde menciona como perdida.

COPA JULIANA 1963:

a. Manera menciona caba e suma poni pa reservefonds F. 95,98 no por ta den nos opinion un perdida.

b. E pago di F. 225,- na A.S.U. pa un deuda no ta un perdida di e weganan pa Copa Juliana.


Resumiendo nos por menciona cu e organizacion di weganan di competitie 1962/1963 y di Copa Juliana 1963 no ta un perdida, pero al contrario ta muestra un saido favorable.

Ta bien posibel cu e posicion financiero di A.V.B. ta sumamente critico (segun nos raport no 1040 di 5 di juli 1962) pero for di e afrekening huzga esaki no por worde deduci.

Nos ta confia di a informa Bo suficiente y ta dispuesto pa duna cualkier otro informacion desea.

Firma

Moret en Oudheusden.



INSIDE EACH CAN OF LIBBY'S VEGETABLES YOU WILL FIND EXCELLENT COLOR, TASTE AND TEXTURE. ALL ARE QUICK-CANNED TO PRESERVE THEIR FINE FLAVOR. THEY ARE GROWN IN SELECTED PRODUCING AREAS IN ORDER TO BRING YOU THE BEST. SO EASY TO PREPARE - AND SO GOOD FOR YOU.

N.V. Winkel's Handel Mij.



Awe tardi decenas di sympatisadornan y amigonan di defunto ministro Juancho Yrausquin lo bolbe bai santana Protestante na Oranjestad, pa reuni na e graf di e defunto, kende tabatin na bida un papel grandi den desaroyo di nos isla. E oradornan e ora lo recorda atrobe e projectonan

grandi cu a worde realisa door di su trabao y energia. E portret aki riba a worde tuma exactamente un anja pasa, durante di e conmemoracion di e fallecimiento di e ministro. E biuda Maria Yrausquin ta para na banda drechi di e graf.

TREKKINGSLIJST VAN DE LANDSLOTTERIJ N.A.

13de Trekking

Donderdag 18 Juni 1964

Large table containing lottery numbers categorized by prize type (Honderd, Vijf, Vier, Drie, Twee, Een, Zestien, Vijftien, Veertien, Dertien, Twaan, Ew) and denomination (100, 50, 25). Includes sub-sections for 'Een en Twintig' and 'Zestien duizend'.

AGENDA

ARUBAANSE COURANT

diarlamete cu excepccion di diadomingo
 subscripcion f. 3.25 pa luna edicion los 20 ct.

edita pa:
 N.V. ARUBAANSE DRUKKERIJ - en UITGEVERS - en PUBLICITEITS MIJ.

imprimi na:
 N.V. DRUKKERIJ "DE STAD"

Telefoon 1116 Directiva y redaccion, 2116 Anuncio y subscripcion.

Directeur hoofdredacteur:
 D. Wolff.

OR CUMpra ARUBAANSE COURANT NA E SIGUENTE LUGARNAN:

NA ORANJESTAD:

BOEKHANDEL MARISKA, PIET SODA FOUNTAIN, REFRESQUERIA INGRID.

NA SAN NICOLAS
 NICOLAAS STORE,
 UNION STORE.

NOTICIANAN DI WARDA

Oranjestad Botica Oduber Tel. 1780 - San Nicolas Botica San Lucas Tel. 3119.

OKTERNAN NA WARDA

Oranjestad - Noord 20/21 Juni Dr P.C. Harting, San Nicolas - Sta Cruz - Sav 20/21 Juni Dr M.R.W.B. Berken - veld.

CINE

De Veer: 8.30 p.m. "Sword the Conqueror" 18 j
 Rialto: 8.00 p.m. "The Hook" 18 j
 Principai: 8.00 p.m. "Operation Bikini" 18 j
 Aurora: 7.30 p.m. "The Universe by Night" 18 j
 Savaneta: 8.00 p.m. "Girls, Girls, Girls" all

Diadomingo
 De Veer: 6.00 p.m. "Munch-hausen in Afrika" all
 8.30 p.m. "Sword of the Conqueror" 18 j
 Rialto: 5.30 p.m. "Donde las dan las Toman" all
 8.00 p.m. "The Hook" 18 j
 Principai: 6.00 p.m. "The Son of Spartacus" all
 8.00 p.m. "Five Miles to Midnight" 18 j
 Aurora: 5.00 p.m. "Asi Era mi Madre" all
 7.00 p.m. "The Universe by Night" 18 j
 Savaneta: 6.30 p.m. "The Big Circus" all
 8.00 p.m. "The 300 Spartans" all

RADIO VICTORIA

A.M.
 6.00 Peticiones
 6.15 E Bijbel Habri
 6.30 Ultimas Noticias
 6.45 Ecos Del Cielo
 7.15 Bo Musica Favorito
 7.45 Delicados Pastos
 8.00 La Hora Bautista
 8.30 Ultimas Noticias
 8.45 Musica Di Banda
 9.00 Noticias Español
 9.15 Cristo Para Las Naciones
 9.30 Morning Melodies
 10.00 World News
 10.10 The Bible For You
 10.15 Hour Of Decision
 10.45 Sacred Of The Air
 11.00 Chapel Class
 11.15 Canticanan Di Evangelio
 11.30 Melodias Di Merdia PM
 12.00 Ultimas Noticias
 12.15 Musica Sagrada Y Meditacion
 12.24 Thought For The Day
 12.30 World News
 12.45 Quiet Time
 1.00 Radio Concert Hall
 2.00 World Of Life
 2.45 Radio Revival
 3.15 World News Headlines
 3.20 Ensueños Musicales
 3.45 Musica Di Banda
 4.00 Cafe Con Musica
 4.15 Ultimas Noticias
 4.30 E Ora Adventurosa
 4.45 Noticias Español
 5.00 Hubentud Pa Cristo
 5.15 Palabranan Di Bida
 5.30 Baptist Hour
 6.00 World News
 6.15 Issues In The News
 6.45 Showers Of Blessing
 7.00 Look Up And Beyond

7.15 Off The Record
 7.30 Back To The Bible
 8.00 Musical Gems
 8.30 Nederlands Nieuws
 8.45 Windows On Holland
 9.00 Klassieke Muziek
 10.00 Sign Off

Diadomingo
 A.M.
 7.00 Morning Melodies
 7.15 Radio Bible Class
 7.45 Grace And Truth
 8.00 Message For The Hour
 8.30 The Lutheran Hour
 9.00 Christus Tot De Volkeren Der Aarde Gebracht
 9.15 Voor Zijn Glorie
 9.30 Palabranan Di Bida
 9.45 Cafe Con Musica
 10.00 Luz Y Verdad
 10.30 Ecos Del Cielo
 11.00 La Hora Nazarena
 11.15 Melodias Del Alma
 11.30 La Voz Del Evangelio
 11.45 Musica Sagrada

P.M.
 12.15 La Hora Del Templo
 12.30 Melodias Di Merdia
 1.00 Iglesia Di Aire
 1.45 Bo Programa
 2.15 Hubentud Pa Cristo
 2.30 Desencadenado
 3.00 Ensueños Musicales
 3.30 Adelante Juventud
 4.00 Temple Time
 4.30 Hour Of Decision
 5.00 Radio Concert Hall
 6.00 Old Fashioned Revival Hour
 6.30 Songs Of Zion
 6.45 Quiet Time
 7.00 Haven Of Rest
 7.30 Evening Melodies
 8.30 Songs In The Night
 9.00 Sign Off

RADIO CARACAS TELEVISION

8.45 Senderos de luz
 9.00 T.V. Educativa
 10.30 Cosas de mujeres
 11.15 El hogar y la moda
 11.45 Novela
 12.00 Noticias
 12.05 Show de Renny
 13.15 Se necesita una amiga
 13.35 Cortos
 14.00 Yo se lo vendo
 14.30 Documental
 15.00 Estudio de Hector Monteverde
 15.30 Perfecta ama de casa
 16.00 Mejlas y sus muchachos

9.00 Buscando un nonibre
 9.30 Viviendo con Riley
 10.00 Roy Rogers
 10.30 El Circo

11.30 El capitán Marte
 12.00 Sir Francis Drake
 12.30 El show de Dandy
 13.00 Torneo Hípico

16.00 Jefatura 87
 19.00 Hong Kong
 20.00 La hora N
 21.00 Show de Renny

TELEARUBA

5.30 Flash Gordon
 6.00 Public Service
 6.45 Papiamento Newscast Live & Filmnews
 7.30 Top Cat
 7.45 Papiamento Sportnews
 8.15 Hazel
 8.45 Tight Rope
 9.00 English Newscast Live & Filmnews
 10.00 Fight of the week
 10.30 Star & Story

diadomingo

5.30 Serials
 6.00 Sword of Freedom
 6.30 Living Word
 6.45 Papiamento Newscast Live & Filmnews
 7.30 Bat Masterson
 7.45 Big Playback

8.15 Our Miss Brooks
 8.45 Local Talent-Live
 9.00 English Newscast Live & Filmnews
 10.00 Emire
 10.30 The Whistler

RADIO KELKBOOM

7.00 Opening
 7.02 Bron Dia cu Alegria (Instrumental)
 7.30 Noticia Internacional (Amstel)
 8.00 Seleccion Musical cu discor nan Latino Americano.
 8.30 Cumpleanos Feliz
 9.00 Noticia Social
 9.15 Musica Varia
 9.30 Melodias Instrumental
 10.00 Noticia Internacional
 10.05 Ritmos Latinos
 10.30 Programa di N.H. Habibe Jr.
 11.00 Noticia Internacional

11.05 Musica Norte Americana
 11.15 Musica Antillana
 11.30 Musica Varia
 12.15 Noticia Internacional (Schiltz)
 12.30 Musica Norte Americana
 12.45 Noticia Local (Viana)
 01.00 Musica Varia
 1.30 Mei ora cu Boleros
 21.00 Mei ora cu Boleros
 02.00 Musica Varia
 02.30 Teenagers Programa
 03.00 Peticiones
 03.45 La Macorisana & Internacional Supermarket.
 04.00 Musica cu sabor Azteca
 04.30 Noticia Local
 04.45 Cocktail Musical
 05.00 Danzones Cubanos
 05.15 Musica Varia
 06.00 Noticia Deportiva (Gillete)
 06.15 Musica Varia
 06.30 Musica para la cena
 06.50 Manjan ta Diadomingo
 07.00 Noticia internacional na Pap
 07.15 Musica Europeo
 07.45 Musica Norte Americana (Instrumental)
 08.30 Musica Varia
 09.00 Musica Bailable
 10.00 Sluiting

Diadomingo

10.00 Opening
 10.02 Rayito di Soto
 10.15 Bo concierto Domicil (Instrumental)
 10.30 Winkel Handel 1 y 4 Diadomingo Club Infaniel
 11.00 Melodias Instrumental
 11.30 Teenagers Programa

12.00 Musica Poesia
 12.00 Musica Poesia y Compocion Antillana
 12.30 Radiokrant
 01.00 Musica Norte Americana (Canta)
 01.30 Domingo Musical
 04.00 Radio Nederland Wereld Omroep

05.00 Melodias Instrumental
 05.30 Musica Pasaporte al Mundo
 06.00 Lago Oil Transport Co Ltd
 06.30 Musica para la Cena
 07.00 Musica Europeo
 07.45 Deze Wondere Wereld
 08.00 Boekbespreking
 08.15 Musica Norte Americana
 08.30 Programa di Elmar
 09.00 C.C.A.
 10.00 Sluiting

Bebe Boca Chica

waak bao dje tapa ...y cobra bo premio!

Tortura di un amor NOVELA

No. 32.

Bou menaza constante di e revolver di Thomas, na a hibe bek na e Hija. Entretanto dokter Hauser ta preocupa pa Petra, kende ta un riba dje, y ta cana sin orza door di e parke. Dios Gracla cu no tin ningun invitado pafé. Dokter Hauser a hibé den kamber di Stefana. Un ora despues Thomas a haye ta jora. "Tenebo calmo, Petra. Tur cos a boba bon".
 "Si, bo na jega. Thomas! Dios o sa, kiko a para di mi!" - suave e ta caricia su cabeynan. "Pober mucha, y bo tabata asina balente." "Bo no sa tur cos!"
 "Trobe Petra ta cuminza jora. Si bo tabata sa tur cos, lo bo no ta asina carinioso cu mi." "Coy loco, Petra. Bo ta kere mi ta sina injusto? Un mucha muhé, manera abo no por pertenecé voluntariamente na e Timennan cu un homber mane-

ra von Grooten ta haci." "Bo no sa, kiko ei a haci, Thomas." "Mi sa mas di loke bo ta kere, Petra. Awe mainta bo a perde e jabl di bo safe." "O", Petra a grita spontá. "Tenebo calma, Petra. Dios gracia cu mi tabata poco discreto, sino, bo no tabata bibo awor." "Bo sa anto", Petra a bisa cu duele. "Pero tenebo calma. Pa mi, bo ta nifica mes tanto cu antes." Thomas ta morde riba su lipnan, despues di bisa e palabranan aki, y a bay para na e bentana. Awor ei a reda su curpa. E ta spera cu e baronesa no a ripara. Pero ya ei a pone su man chikito y suave riba su scoulder. "Petra!", ei a drey su curpa. "El a cuminza jora y a primí su curpa contra Thomas." "Petra", Thomas a exclama y a braza e pover mucha, cu kler pertence na dje, y na ningun otro hende.

"Thomas", toch Petra ta sonrei aunke e ta jorando, "Awor numi ta sinti mi pa prome haba na cas!"

Pura pura 'Andrea a jega na e castillo y a busca e cosnan di mas necesario, ponenan den un maleta, y a carganan pone den e auto di Stefana. Despues di pensa un rato mas, ei a bay paden bek. E no kler bay sin laga un adios escrito. El a bay sinta tras e lessenaar di Nico, y ta mira leeuw pensando kiko e mester skirbi riba e papel

blanco. Di repente e porta a worde habri. Spantá ei a drey mirá. "Abo?" Hulla ta pará mei mei di e porta. Ei a cuminsa harl irritante. "Porfin mi a hayabo, ladron sushi. Bo kler a probecha di su ausencia pa bay cu su ultimo riquezanan? Berdaderamente, bo a pensa esey masha bon!" "Mi ta prohibibo pa ofendemi!" "Y bo ta brutal tambe, maske cu mi a sorpresabo? Awor numa mester mira cubo ta honte. Abo, diablo inocente." Andrea a lanta y a trata pa jega na e porta. Pero e Condesa ta stroba su caminda. "Nada di esey", e ta grita. "Awe bo ta bay admitti bo maldad, ladron!" "Hulla, hulla pa mi pisa! Ta kiko ta ta kere?" Nico

a aparece den e porta. Ningun di nan dos a tendé jega. "Dios Gracla", Andrea kler a corre bay serca dje, pero atrobe e Condesa ta stroba su caminda. "Net bon, cu bo a jega Nicol Kizas lo dueibó si e pajarero mester bula bay cu demasado cos." "Stop di papla coy kens!" e Conde a contesta rabia. "Asina, bo kler defende e ladron tambe?" Andrea a keda pará manera un imagen di piedra. Ta di con Nico por sa asina lihé, cu ei a bolbe na castillo di Elmer? "Awe mi por mustrabo cu ta é ta hortabo y cu tapro becha di bo confianza." Triunfante ei a muestra su dede riba Andrea. "Mira aki Nico, bo cuadro preferido, esun di Murillo puro, mi mes a saké foy su maleta. Esaki tabata e siguiente cu mester worde bendi. Pero e no a kere cu mi lo risitra su maleta. Ora cu mia miré baha cu tin algo, mi tabata sa, cu e tin maleta escondi aden. Ta kende mas por trata di sali cu un maleta mey anochi?" "Bo ta ganja!" Andrea su curpa ta tembá. Ta con e por resisti contra tanto falsedad? "Nunca bo a tende, nunca mi ta algo di akinan!" Si, ta masha facil pa nenga! Pero ania haya e cuadro den bo maleta. Nos sirvlente Frans ta teso tigo!" "No kere cu Frans lo

bay complicebo, pa admitti esaki Hulla. Asina ta, spaarbo mes e molester." Pone e cuadro ey riba, y lagami so cu Andrea!" E Conde sustem ta zona tranqil, mientras Hulla a cuminsa jora emocionale. Pero e no ta di acuerdo pa tende ioke Nico a bisé. "No, mi bon Nico, no ta asina facil e biaha aki. Bo por iagué tumabo di makako, pero ami ta jama polles awor aki! Mi kler mira e ladron miserable ey, serra tras di trahie, manera e merecé." "Akiden ta sosede, ioke ami kler Hulla. Si akiden tur hende haya ioke nan merece, lo mi no sa, na unda lo bo ta awor. Pese mi ta pidibo pa ultimo biaha: Sali di akiden! Mi senjora no ta di acuerdo, y e no ahorta e cuadro tampoco. Pesey...." Nico tin e porta habri pa Hulla sail. Hulla a keda miré asombroso. "Ta asina ei a hacibo, cu bo nopor mira e hechonan mas? Lo dueibo hopi despues Nico!" Ei a corne sail y te leeuw bo por scucha su harl histérica. "Bo ta kere ami, y no é?" Incomprendibel Andrea ta keda mira e Conde. Despues e mester bay sinta. "Andy", Nico a bay sinta bandi dje, y pocopo e el a kita ei a kita su man nan fe su cara.

E ta sigui.....

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VLAG

Iechi evaporado y Iechi en polvo

MAXWELL HOUSE KOFFIE.



CISCO KID

pa cortesia di:

ARUBA BOTTLING COMPANY

NESBITTS den varios sabor, e refrescan mas pidi y mas gusta na Aruba.



BUCHI ROBEZ



PEPITA

with compliments of

OFICINA MARITIMA DE ARUBA

DOCUMENTATION & TRANSPORTATION FOR INCOMING, LOCAL & OUTGOING CARGOES BY AIR, SEA AND LAND



DICK TRACY



Horoscopo personal

ARIES-21 di maart-20 di april- Sea prudente y sigi e criterio di un experto. Un situacion cu no ta bon comprende no por worde resolve bon.

TAURO-21 di april- 21 di mei- Percura pa bo no pleita cu bo compañeronan di trabao y di e manera aki lo bo evita enemigonan.

GEMINIS-22 di mei - 21 di juni -Sea cual tabata bo talentonan mecanico, esaki ta e dia pa aplica nan na e proyectonan cu bo tin na cas.

CANCER-22 di juni - 23 di juli-Si bo mes no por propone un idea nobo, e mihor cos cu bo por hasi ta rehasi di ideanan di otro, pero no keda sin reconoce e merito na e persona aki.

LEO-24 di juli-23 di augustus-Cuminsa remove e imperfeccionnan den e trabao cu ya ta realisa. E dia aki lo tin hopi competencia di manera cu bo mester hasi bo trabao bon.

VIRGO-24 di augustus-23 di september -No spera cu otro personanan lo hasi e trabao cu ta corresponde na bo. Bo mester ta justo.

LIBRA-24 di september-23 di october- Busca compania di otro personanan. Si Libra ta desea di bai bon e no mester aisla sumes di su amigu- y parientenan.

ESCORPION-24 di october-22 di november- Domina bo caracter excitante. Respuestanan cu calma den situacionnan di emergencia lo hasi cu otro personanan lo respetabo.

SAGITARIO-23 di november-22 di december- Acepta un cos como si fuera, e ta un hecho, ora bo hanja sa cu e ta berdad. Si bo ta desea di scucha chistenan ta masha bon, pero percure pa bo no ripitinan.

CAPRICORNIO-23 di december- 20 di januari- Riba e dia aki bo por sali gana, si bo por impresionar otro personanan cu bo eficacia y conocimentunan.

ACUARIO-21 di januari-19 di februari- Si bo ta desea pa bo amigu- y compañeronan di trabao sigibo mester muestra e capacidad cu bo por diriginan.

PISCIS-20 di februari - 20 di maart- Si bo ajusta bo actitud anto esaki lo nifica un mehoracion den bo trabao.

WELGA NA ALITALIA

Roma -- UPI -- 'Un welga di piloto y camareronan awe a paralisá e linea aerea "Alitalia". E camareronan a declará nan mes den un welga di ocho dia diabierne ultimo, den apoyo di nan demandanan pa mihor salario, un siman di trabao mas corticu y un maximo di 9 ora di vuelo pa dia.

Studentenan piloto a reemplasá e camareronan den e welga qu lo mester terminá awe, y di tal manera a mantene funcionamiento di e linea aerea, pero e welga di e pilotonan a obliga suspension di tur e vuelonan nacional e internacional di Alitalia.

Boticarianan y obreronan di construccion awor tabata menasá cu welganan qu por stoba e programa di e Gobierno di Aldo Moro pa combatí inflacion. E obreronan di construccion a anuncia qu dia 23 di juni proximo nan lo bandoná nan trabao pa un plazo di 24 ora.